

天下郡國利病書

三三

天下歸國朝野書

卷之二

寧波府志分野 周禮大司徒以土宜之法辨十有二土之名物保

章氏以星土辨九州之地所封封域各有分星後世說天之學皆因

之然皆迄無定據獨僧一行謂天下山河之象存乎兩界而以星辰

河漢別其陰陽升降配以古今輿地是曰分野則諸家說天之祖也

春秋州鳩禘竈之徒所論諸國分星詳矣然不及吳越寧波故禹貢

揚州之域於春秋為吳越地於分野則始見於周禮鄭玄註曰星紀

吳越也范曄志星紀起斗十一度至婺女七度於辰為丑於分野為

吳越然則郡之所占蓋斗牛女之次矣晉書星紀起斗十二度比范志減

度費直星紀起斗十度比范志多一度終婺女五度比范志減二度蔡邕星紀起斗

六度比范志多五度終婺女二度比范志減五度一行星紀起斗九度比范志多二度終婺

天下甲子國川病書 原第廿二冊 行下

女四度比范志減三度諸說星紀丑分皆不同蓋然語斗牛女為吳

越之分一也班志吳斗分野越牽牛婺女分野此又分星紀為二而

吳與越又自有分矣以事應驗之漢桓帝熹平間熒惑入南斗會稽

許昭聚眾為亂攻破郡縣此見斗又兼屬越獻帝建安初歲星熒惑太白聚

牛女孩策權開江東此見牛女又兼屬吳陳之末有星孛於牽牛叔寶亡此又牽牛

越兼吳適嘉靖癸卯七月熒惑入南斗占主東南大饑荒是冬及明年

春自淮揚大江而南歷蘇拾浙東西斗米穀百錢道殣相望此斗又兼吳越

然則星紀之在吳越又不可分矣春秋越得歲吳伐之卒受其咎此

又實有所分與班志合然以天官書論之又別有指按遷史天官書歲有贏縮趨舍

而前曰贏退舍曰縮贏其國有兵不復縮其國有憂將亡吳越均在星紀然吳在越北越在吳南豈是時歲之所入適歷北而南吳當其

退度而縮越當其進度而贏故越有吳兵卒不使吳得復而吳因以  
亡乎此當驗歲之退吳而進越不當言越之得歲而吳之不得歲

正不可以此而分星紀矣有辯星紀之非吳越者曰吳越南星紀北

然以曆家仰儀之理推之仰儀反以觀天取光之所燭為驗則星紀在北而光燭於

南其以吳越當之者從星紀之所燭也春秋元命包牽牛流為揚州

分為越國虞翻曰會稽上應牽牛之宿下當少陽之位此又不及蓋

舉其中牽牛則前後二星皆舉之矣故言吾郡之分星其為星紀也

信矣若其他有應在星紀而不專於吳越者又有占吳越而不止於

星紀者天官書歲右轉居丑與斗牽牛俱出東方名曰監德其失次

有應見柳早水晚旱班志亦曰歲星正月晨出東方石氏名曰監德

在斗牽牛失次早水晚旱按二史所具畧同然柳為雞火荆豫分是星紀又應荆豫又班志孝景

按二史所具畧同然柳為雞火荆豫分是星紀又應荆豫

又班志孝景

元年正月癸酉金水合於婺女婺女粵也又為齊二年七月丙子火

與水晨出東方日守斗十二月水火合於斗：吳也又為粵按吳越為斗女

固矣然又故三年有七國之禍吳膠東膠西淄川齊遂破滅伏尸流

血其下孝武建元三年四月有星孛於天紀至織女織女為婺女北星占曰

有女憂陳皇后廢則女又占后宮元鼎中熒惑守南斗南斗越分越有呂嘉

王后之亂漢兵誅南越此又及於南海不止會稽之越元帝初元：年四月客星大

如爪在南斗第二星東五月渤海水大溢六月關東大饑琅邪人相

食此則南斗亦占齊分哀帝建平二年二月彗星出牽牛夏賀良等請改元建

號曰陳聖劉太平皇帝未幾卒有王氏之篡此牽牛又繫漢室興亡之運星經北

斗王衡第六星主揚州以五巳日候之以丁巳日候吳郡會稽此吳越又

應北斗之第六星一行所論星紀分野自廬江九江負淮水之南盡不止占星紀矣

臨淮廣陵至於東海登萊又逾南河豫州得漢丹陽會稽豫章西濱彭蠡

南涉越州此寧紹盡蒼梧廣西南海廣東古百粵之國趙佗不止一循是求之

自有大司徒保章氏之說而鄭玄所定分星因焉時所謂吳越者自

勾吳於越之地言之也周之初淮夷猶在中國之外於吳越宜益遠

矣虞肇十二禹貢九州則司徒保章之星土宜止此而春秋乃以吳

越定星紀是已濶於周禮之初意况自吳越之外而有一行所陳如

斯邈哉及推之遷史班志星經等著而星紀之占又不止吳越吳越

之應又不專星紀班志復曰牽牛日月五星所從起曆數之元三正

之始而遷史亦曰斗牛女察日月之行以揆歲星順逆此豈星紀之

天... 原... 新... 下...

次本有定分而其所闕者大有不限於吳越之區者乎若夫北斗玉衡執天之樞九星宜各有分主而吳越亦與丁巳之占豈其他所入之度有深淺緩急而其歲月日次亦有辛壬癸甲久近晨夕之異致乎此固今靈臺司曆者之職而分符治郡者所當躬脩而俟應者也子產之言曰天道遠人事通舍是則吾不知之矣



寧波府志海防書 祖宗之制於邊海郡縣經營控制為備蓋至

嚴也語形勢之遠起遼海而終瓊崖考浙之東西首澈乍而達蒲

壯吾郡南達台温北連溟渤並海幾六百里置衛者四曰觀海曰

定海曰昌國而寧波衛則附於郡城衛之隙置所者十曰龍山曰

穿山曰霽衢曰大嵩曰錢倉曰爵谿曰石浦前後所舟山則懸峙

海中而中中左二所在馬所之隙置巡簡司一十有九曰螺峰

曰岑江曰岱山曰寶陀四司環置舟山之曰甬東曰大嵩隸鄞曰

粘浦曰向頭隸慈谿曰結埼曰塔山隸奉化曰長山曰穿山曰霞嶼曰

管界曰太平隸定海曰爵谿曰陳山曰石浦曰趙舉隸象山莫不因山

墜谷崇其垣墉陳列兵士以禦非常復于津陸要衝置為關隘曰

東津曰西渡曰桃花隸鄞縣國初皆置船防守後裁革曰定海關

在南薰門外最為衝要舊制額設指揮一員旗軍五十名盤詰舟  
 航以防姦細官哨戰船亦泊於此今增協守民兵福蒼大小戰船  
 悉為停泊曰舟山關舊制額設官軍盤詰停泊戰曰丈亭關曰長溪關

曰杜湖關曰石浦關凡九曰湖頭渡寨今遷塔山巡簡司於此曰竹頭寨曰

長山寨曰小浹港隘曰青嶼隘曰礮頭隘曰錢家隘曰梅山隘曰

慈舉隘曰橫山隘曰螺頭隘曰破齒隘曰小沙隘曰沈家門水寨

曰路口嶺隘曰岱山隘曰大展隘曰何家纜寨曰仁義寨曰赤坎

山寨曰黃沙寨曰枯舉寨曰土灣寨曰南堡寨曰游僊寨凡二十

有五皆屯兵置艦以為防守其中若定海關丹山關湖頭渡寨沈

家門水寨游僊寨南堡寨小浹港隘最為要害自昔至今尤致嚴

焉定海置烽墩一十三穿山烽墩十霸衢烽墩六大嵩烽墩六舟

山烽墩二十五觀海烽墩六龍山烽墩六昌國烽墩三石浦烽墩

三

二、錢倉烽墩五、爵谿烽墩四、咸設旗軍以瞭望聲息、晝煙夜火、互相接應、若霽衢之三塔山、舟山之朱家尖、蠡峙最高所望、獨遠、故設總臺、多撥旗軍、戒嚴尤亟、設總督備倭、以公侯伯領之、巡視海道、以侍郎都御史領之、洪武三十年以後、總督領於都指揮、海道領於憲臬、定臨觀三衛設一把總指揮、松海昌三衛設一把總指揮、金盤二衛設一把總指揮、海寧衛設一把總指揮、分方備禦、各有攸司、海上諸山、分別三界、黃牛山、在慈谿縣北、大海中、與海鹽縣海洋為界、馬墓、長塗、冊子、金塘、大榭、蘭、秀、劍、山、雙嶼、雙塘、六橫、韭山、壇頭等山、為上界、灘山、許山、羊山、馬蹟、兩頭洞、漁山、三姑、霍山、徐公、黃澤、大小衢、大佛頭等山、為中界、花惱、求芝、絡華、彈丸、東庫、陳錢、壁下等山、為下界、率皆潮汐所通、倭夷貢寇、必由之道也、前哲謂防陸莫先於防海、沿邊衛所、置造戰船、

以定臨觀三衛九屬所計之五百料止定海港一隻四百料二百料尖舫

等船一百四十有三昌國衛四屬所四百料等船六十有七量船

大小分給兵仗火器調撥旗軍駕使而督領以指揮千百戶每值

風汛把總統領定臨觀戰船分哨於沈家門初哨以三月三日二

哨以四月中旬三哨以五月五日由東南而哨歷分水礁石牛港

崎頭洋孝順洋烏沙門橫山洋雙塘六橫雙嶼音龍洋亂礁洋抵錢倉而

止每哨抵錢倉所取到單并各處海物為證驗凡韭山積固大佛頭花惱等處為賊舟

之所經行者可一望而盡由西北而哨歷長白馬墓龜鱉洋小春

洋兩頭洞東西霍抵洋山而止哨至亦取海物為驗凡大小衢灘許山丁興

馬跡東庫陳錢壁下等處為賊舟之所經行者可一望而盡即由

此南通於甌越北涉於江淮皆以南北兩洋為要會而南北之哨

則以舟山為根柢昌國戰船南哨則抵於松門北哨則抵大嵩分

哨之期有同於三衛而與柘海哨船別統於把總至六月哨畢臨

觀戰船則泊於岑港定海戰船則泊於黃崎港昌國戰船則泊於

石浦閩海中至六月十二日為彭祖忌颶風大作舟必避之仍用小船巡邏防守備至密也

今日之倭奴更不可以春汛期自三月至五月為汛期六七八月風潮險惡舟不可行九月十月小陽

汛復可渡海亦有停泊海島乘而備禦宜益加嚴矣 皇上軫念

元震耀神武命將興師以誅不庭舉 祖宗之舊章而振飭恢

弘之設總督直隸福浙軍務大臣及巡撫都御史命卿佐以督察

軍務督視軍情三十四年命工部尚書趙文華督察軍務以藩臬三十八年命右通政唐順之督視軍情

分任兵備調發廣東橫江烏尾船二百餘艘改造福清船四百餘

隻停造五百料等船於軍四民六料銀增給價值改造福船崔稅蒼沙民船復數百隻召募福

建兩廣和徐山東松潘保靖永順桑植麻遼鎮溪大康及蒼處等

兵不下十萬 勅鎮守總兵駐劄臨山 今改劄定海 責 協守副總

兵駐劄金山 今改劄吳淞 責 叅將分守各府 抗嘉湖一叅將 寧紹

溫處一叅將 責 把總統轄諸衛 舊制四把總 今分為定海 為昌國

任與兵備同 總裁去備倭總督而各把復有游擊游兵統兵等職以督水陸之

兵 皆題奉 欽依 一時任事之臣非不攄殫謀畫務底安攘而豺

豕日繁烽烟未靖者蓋以蹊徑日開而告急者多則疲於奔命庾

幣日匱而資用者乏則窘於設防糧餉不時而凍餒者眾則怯於

應敵主兵不實而召募者多則難於行法此皆用兵之大患也試

舉目前之事籌之倭奴入寇自彼黑水 大洋 盛 舟行一二日抵天堂

山復一二日渡官綠水抵陳錢壁下漸經濁水西北過步州洋亂沙  
入鹽城可犯淮安入廟灣港可犯揚州再越而北則犯登萊矣  
西南過韭山大佛頭積固山入黃華港可犯温州入桃渚海門枯  
門諸港可犯台州再越而南則涉閩廣矣正西過茶山入瞭角嘴  
大江口涉谷積狼福山諸港可犯通泰儀常鎮過馬蹟灘許羊  
山歷崇明七丫白茅劉家河吳淞黃浦白沙灣諸港可犯蘇松過  
大小衢徐公石塔山馬鞍山登梁庄西海口西嘴頭可犯嘉湖入  
鯨子門赭山錢塘江則薄於省城登龕山烏嘴頭可犯蕭山縣過  
漁山兩頭洞三姑山入煙浦三江可犯紹興臨山瀝海三山過霍  
山洋五嶼烈港耒登極泥烏山平石則薄於吾郡之觀海龍山慈  
谿登丘家洋官庄龍頭則犯定海之西北界過岱山長塗蘭秀山

注十四

劔山登干纜大小展則東北一面可入於舟山過烏沙門順母塗  
登沈家門謝浦則東南一面可入於舟山過大小干山十六門舉  
山盤嶼登闕山螺頭則西南一面可入於舟山過東西肯長白礁  
馮墓港册子山登岑江碇齒則西北一面可入於舟山由舟山之  
南經大猫洋入金塘蛟門則竟趨於定海城下過穿鼻港入黃崎  
港則犯穿山過崎頭洋雙嶼入梅山港則犯霸衢過青龍洋入大  
嵩港則犯大嵩由東西厨入湖頭渡則犯奉化縣及象山縣之東  
界過韭山海閘門亂礁洋登蒲門則犯錢倉所過青門闕登白沙  
灣游僊寨則犯爵谿象山之南界入石浦閘則逼石浦城與昌國  
衛宋時嘗於招寶山抵陳錢壁下置十二水鋪以瞭望聲息在當  
時已病海氣溟濛風雨冥晦難於接應今浙直兵船督領於游兵



把總等官謂宜自春歷夏及小陽汛期直隸船北哨至茶山瞭角

嘴海洋江北淮揚沿海復設總恭遊兵南哨至羊山馬跡灘許衢

山等處蘇柏常鎮兵船於海兵外浙船南哨至鎮下門南麂玉環

烏沙門普陀等山温台兵船又分別北哨則交於直海寧紹兵船

又分一枝哨守馬跡一枝哨守兩頭洞一枝陳錢為浙直交界分

哨守衢山一枝哨守長塗一枝哨守普陀

路之始復交相會哨遠探窮搜遇有賊舟即為堵截馳報內境俾

為預防復於沈家門列兵船一枝以一指揮領之馬墓港列兵船

一枝以一指揮領之把總則駐劄舟山兼轄水陸而總恭標下各

選練精兵三千以聽征勦定海則屯聚重兵屹為巨鎮賊或流突

中界則沈門馬墓兵船迤北截過長塗霍山洋三姑與浙西兵船